

“Ek is die Lig vir die Wêreld...” Johannes 12:8



Ons almal het stories van bang wees om alleen in die donker te wees, van donker-kamertjie speletjies, en jonger boeties en sussies bang maak! Vertel mekaar se stories.

Lees Johannes 12:8-20 en Johannes 1:1-5 en deel met mekaar wat jou dadelik opval, spesifiek oor die gedagtes van lig vs duisternis. *(verwys ook na Genesis 1:1-3 waar God skeep, eerste wat geskep word is lig... skepping sonder lig is onmoontlik, maw nuwe lewe sonder Lig is onmoontlik...)*

- a. **Die belofte van Jesus is baie duidelik, nl dat as ons Hom volg, sal ons nooit in duisternis leef nie. Watter impak het duisternis in ons lewens?** *(maak ons bang, onseker, kan nie vorentoe kyk nie, laat ons alleen voel)*

Watter sake wat met ons gebeur of wat aan ons gedoen word het die potensiaal om duisternis in ons lewens in te dra?

En dan gebeur 'n scary ding... *ons oë raak soms gewoonlik gewoond aan die duisternis en donkerte en dan raak dit skielik nie so sleg en vreesaanjaend nie – waarom is dit so gevaarlik, as duisternis spesifiek verwys na sonde in ons lewens of sake in ons lewens wat nie goed is vir ons en ander nie?*

Johannes 12:8 is duidelik dat om van duisternis ontslae te raak, moet ons Jesus volg. Hoe help gehoorsaamheid aan Jesus ons om van duisternis in ons lewens ontslae te raak?

Watter implikasie het dit vir ons stryd om oorwinning oor sonde te kry, om vry te word?

Die kern van ons geloof is hierdie punt: *Hoe ek aan Jesus gehoorsaam gaan wees, hoe ek Hom gaan toelaat om sy Lig te skyn op elke faset van my lewe. Die woorde van Christus “Ek is die lig” beteken dus niks as dit net gehoor word nie. Jy kan alleen uit die duisternis gelig word as jy vir Jesus volg, as jy aan Hom gehoorsaam is...*

- b. **As Jesus verklaar Hy is die lig vir die wêreld, wat sou lig alles kon beteken?** Dink aan die verskillende funksies van lig. Hoe kan dit van toepassing wees op hierdie gedagte en die rol wat Jesus in ons lewens wil speel?

Watter lig wil **Psalm 119:105** hierop werp? *(Die gedagtegang is dat die woord die lamp en lig vir ons pad is. Johannes 1 noem Jesus die Woord, beide is dus in samewerking met mekaar – Jesus en die woord [Bybel] – ons het altwee nodig en die woord wil kom bevestig wat Jesus geleer en gelewe het...)*

c. Watter uitdaging is daar in die woorde “...sal die lig hê wat lewe gee...” (Joh 8:12c)

Die implikasie is duidelik.

(1) **As ons Jesus volg het ons lig wat lewe gee**, maw as ons Jesus volg het ons lewe, en dan alleen. Niks anders kan ooit lewe gee nie.

(2) **As ons Jesus volg het ons lig en lewe wat ons kan weggee** of wat ons kan wees vir ander wat in duisternis lewe of nie lewe het nie.

Is dit jou ervaring van Christene en kerkmense dat hulle lewens in navolging van Jesus vertel van lig en lewe? Is die teendeel nie soms juis waar nie, nl dat dit juis Christene, kerkmense is wat ons soms die seerste maak en ons afsit van Christenskap? Hoekom is dit so? Wat is jou ervaring? *(daar moet ook tog ervarings wees van die positiewe invloed Charistene, kerkmense in ons lewens – moenie net negatoief hieroor dink nie...)*

Hoe kan ons lig en lewe bring in ander se duisternis? Dink baie prakties.

NB uitdaging: Watter een saak daag jou uit om in hierdie week anders te gaan leef?

Saambid